

Dimapur nung Samarth Scheme ka sayaogo



Dimapur, Luchii/Dec. 01 (TYO): Member Secretary SCB, Government of India, Ranjit Ranjan Okandiar, IFS ajanga November 30, 2021 nü Sericulture office, Dimapur nung Textile Sector nung capacity building atema Samarth Scheme sayaja liasü.

Eri silk renlokba tsütsü Nagaland ya tanishir sütetsü, koba state indang tashi ka akumtsü, anungji nüburtemi eri production nung temolung agütsüsüla aser Samarth Scheme ajanga quality development tajungba kumdaktsüsüla, ta iba sentong nung Okandiar-i ashi.

Nodal officer, Samarth Scheme, Dr. Siddique Ahmed-i iba scheme indang rateta jembiba mapang, ola-angla, teka mapa (handicraft) aser Sericulture ajanga Nagaland nung aliba yimtsüing ajema lungjemdaksür, ta ashi.

State aser linük ka terenlok atema tongtipang factor ana nung metaloker alir aser aji nüburtemi mapa inyak ashiba aser shisatsü alitsü, koba

rongsenketzüing aintsü aser lokti terenlok asoshi lenmang aniba tashi ka lir, ta pai ashi.

Skill development tsütsü jembiba mapang, alima nung training junga agir aliba ishibaji asen linük ya ka lir aser formal education mapang vocational training magütsüba ajanga mapa manguba tebilemtsü ya adoker, ta pai ashi.

India nung nütsüing yongsük shilem 62 shi arishi küm 15 nungi 59 tsüingta lir aser item ajungaji mapa balala inyak shir alinungbo nükjidong aika ataloker lila aser iba nükla nung Ato Kilonseri skill development nung tali rangloker Ministry balaka tentet, ta Dr. Ahmed-i ashi.

Linük nung ola-angla maparen ya employment timtiba adokdaksüba sector jenjang tanabuba lir, anungji Samarth Scheme ya tenzük aser iba kübok training agütsüsü aser training agirtem asadanga sülen Ministry ajanga kulizüing kaket agütsüsü, koba ajaki agizüka aser metsüing-reta amshitsü, ta pai ashi.

Iba Scheme tenzükba ajanga state nung quality aser productivity tajungba kuma rongsenketzüing nung tashi itshitsü imlar, ta ashi.

Director, Sericulture Department, Nagaland, T. Sanny Pongener-i iba sentong tarur pela agizükba o jembiba mapang, Nagaland nung aluyimer temi Sericulture ya akhi tejen yimya nung aser scientific teyari maden amshiba ajanga IX plan mapang tashi iba industry ya jangramatem ka liasü, saka technical tsütsü nungi lenmang sayua aser Central Silk Board tawabangba kübok Sericulture lu ayimer tangatetba kanga jangja melenshiogo aser ibaji ajanga project balala inyakyonga arur, ta pai ashi.

Project tem takok ngua inyaktetba nung member secretary SCP aser SCP nungi Senior officer temi ajungmesoba, amalitep akaba aser lenmang sayuba atema pelar, ta pai ashi.

Iba sentong nung Deputy Director Sericulture, Mhianizoto Meyase ajanga melepzüing o jembiba liasü.

Kohima nung BSF pur 57 buba Raising Day mungogo

Kohima, Luchii/Dec. 01 (TYO): Border Security Force (BSF) pur 57 buba Raising Day ya 37th Battalion BSF Campus, Chedema nung December 1, 2021 nü munga liasü.

Iba sentong nung Commandant 37 Bn BSF Vinod Kumar-i sepaitem den jembiba aser BSF tentetba aser tesüiba mapang takok balala anguba indang rasaa ashi.

BSF otsü ya amashitsü makokba ka lir aser sepa indang yimya tajung amshitsüla, ta pai ashi.

"Asenoki yimya tajung nung nendaka agüja mapa inyaktsüla,"

ta pai ashi.

BSF ya India arütsü anüktsü atema specialized force ka ama December 1, 1965 nung tentet, ta ashi.

Iba sentong nung Chairman Village Council, Chedema, Chairman Model Village Chedema, P. Khel Vice chairman, BSF Campus temeket nung aliba civilian, Ex BSF personnel aser 37 BN BSF nungi Jawan tem dena liasü.

Iba sentong nung Seema Praharies aser yangji alirtemi sobaliba saya balala sayua liasü. Iba sentong nung Sub Inspector Aman Kumar menden liasü.

Naga nunger kaket zülur anati Gordon Graham Prize for Naga Literature 2021 angu

Kohima, Luchii/Dec. 01 (TYO): Naga nunger kaket zülur ana nem 'fiction' aser 'non-fiction' telemsa nung Gordon Graham Prize for Naga Literature (GGPNL) 2021 sempet agüja liasü.

Veio Pou-i "Waiting for the Dust to Settle" aser Wangto Chingmak-i "The Chang Nagas - In memory of our undefeated ancestors" kaket züluba atema iba sempet ya Nagaland Chief Minister Neiphiu Rio-i Kohima nung Mongulbarnü sentong ka nung agüja liasü.

Takok angur shia nem senpet sen lakh ka-ka den kulizüing kaket agüja liasü.

Iba Award ya Kohima Educational Trust (KET) indang külem Kohima Educational Society (KES) ajanga ayongzüka liasü.

Sempet agizükba mapang, Naga loktiliba indang "Knowledge keepers" aser "idea givers" ka ama lokti asoshi khuret tulu lir, ta Pou-i ashi. Tebang agi jembiba aser züluba otsü kasa amshitsü nungdaker

aser iba atema education system alitsüla, ta pai ashi.

Chang Naga kin indang kaket züluba atema Wangto Chingmak-i iba sempet agizükba mapang, Chang Naga kin indang kaket kata maliba ajanga 'non-fiction' kaket züluba bilemteta jembiba.

Iba kaket ya ajanga zünger aliba lanurtemi kaket zülutsü ajungmesotsü imlar, ta pai ashi.

Tejen otsü aser tang atalokba tem kuli bendena taruba putu nem agütsüsü nungdaker, ta paisa ashi.

KES ajanga Naga nunger kaket-ken o temaba jenjangi ajungketba atema pelaba lemsatepba mapang, education tsütsü Nagaland state ya lanur ka ama lir aser ano talangka aotsü, ta CM Rio-i ashi.

KES ajanga UK aser Nagaland tsüingta tesendaktep lidaktsüba ya jenjang tuluba nung indaktsüsüla aser lanur kaket zülurtem maneni yaritsüla, ta pai ashi.

Iba sentong atema state sorkaria yaritsü aser taruba financial year nung tali tejangjaba nung jembitsü, ta pai ashi.

Entrepreneur Guild züngemtemi Dev Gadhvi den mensem ka amen

Dimapur, Luchii/Dec. 01 (TYO): Entrepreneur Guild züngemtemi November 30, 2021 nü Dev Gadhvi den sensaksemba sentong ka agia liasü. Dev Gadhvi ya No. 1 Passionpreneur Mentor, Passionpreneur Movement tenzüksang, Indian Influencer aser anaben tashi Best selling author lir.

Iba sentong nung pai business mapa inyaktsü sempet angateta business ketdangtsüsü indang lemsatepa liasü, aser pei jangraba ama inyaktsü, kasa wadang nung

dangari inyakba den pei mapa medemdantsü aseni inyakba nung technology amshitsü indang angatetdakja liasü.

Dangari meinyakba mapa inyakba ajanga dangar dang tajungba akumer, ta pai ashi.

Takok anguba entrepreneur ka asütsü atema tangatetba melentsüla aser tekeraba asütsüla, ta pai ashi.

Takok angutsü atema pei sempet tajungba kumdaktsüba nung senotsü indoktsüla aser shisa kaa senotsü amshitsüla, ta paisa ashi.



Dr. Imkongliba Memorial District Hospital pur Christmas jili amungba sentong ka Dec 1 nü IMDH OPD Lobby nung agiba mapang student nurse-i ken ajanga Christmas osang sangoktsüba mapang tangokba noksa nung angur. Iba sentong nung Artang Baptist Arogo Pastor, Dr. Bendang Longkumer ajanga Tsüngrem osang aben aser IMDH Medical Superintendent, Dr. Limatulai Christmas salem o lemsatepa liasü. Sentong nung telok balalai kentenmenü ajanga tesentepertem peladaktsü. Mokokchung, 1st December, 2021



22nd EDITION
Hornbill
FESTIVAL 2021

10:00 am
GUEST OF HONOUR
SHRI LAISAM SIMAI
MLA & Advisor Tourism
Government of Arunachal Pradesh

SPECIAL GUEST
SHRI ANSHUL GUPTA
General Manager
North Frontier Railway (NFR)

1:00 pm
GUEST OF HONOUR
SHRI SH. SHYAM KUMAR
Principal Chief Commissioner of Income Tax (CCA),
NER, Ministry of Finance, Department of Revenue.

HOST
MR. TONGPANG OZUKUM
Minister,
Housing & Mechanical.

MR. MMHONLUMO KIKON
Advisor,
Information and Technology, Science and Technology,
New and Renewable Energy.

HOST
MR. TEMJEN IMNA ALONG
Minister,
Tribal Affairs & Higher Education.

MR. PUKHAYI
Advisor,
Food and Civil Supplies, Legal Metrology & Consumer
Protection, Taxes.

10:00 am-12:00 noon: CULTURAL SHOW (Venue-Kisama Main Arena)
 01:00 pm-02:30 pm: CULTURAL SHOW (Venue-Kisama Main Arena)
 9:30 am - 04:00 pm: CITY TOUR (Venue-Kisama to Kohima)
 06:00 am: DZUKOU EXPERIENCE (Venue-Kisama to Dzukou)
 10:00 am - 04:00 pm: PFUTSERO EXPERIENCE (Venue-Pfutsero)
 10:00 am - 04:00 pm: TOUPHEMA EXPERIENCE (Venue-ToupHEMA.)
 07:00 am - 04:00 pm: HORNBILL WALKS (Venue-Phusachadu, Kigwema and Kohima 2nd WW Walk and Kohima Town/Village.)
 10:00 am - 05:00 pm: HANDLOOM & HANDICRAFTS (Venue-Bamboo Pavilion, Kisama)
 10:00 pm - 04:00 pm: MYKI FESTIVAL (Venue-Kisama)
 10:00 am - 05:00 pm: CRAFTSCAPE (Venue-Outside Museum, Kisama)
 10:00 am - 05:00 pm: ARTIST CORNER (Venue-Kisama, Kohima)
 10:00 am - 05:00 pm: Naga Indigenous Event ToupHEMA (Venue-ToupHEMA)
 04:00 pm: HORNBILL 9th HRM RIDERS UNLOCK 2021 (Venue-Chuna and Khaciegei, Kohima)
 10:00 am - 05:00 pm: ARCHIVES SECTION & WW 2 MUSEUM (Venue-Kisama)
 KING OF THE HILLS Mokokchung (Venue-Mokokchung)
 10:00 am - 05:00 pm: HORTISCAPE (Venue-Kisama)
 04:00 pm : SALE OF AGRI PRODUCTS (Venue-Kisama)
 10:00 am - 05:00 pm: ADVENTURE ACTIVITIES (Venue-Childrens Park, Kisama)
 10:00 am - 08:00 pm: ART EXHIBITION - CUM - SALE (Venue-World War II Museum, Kisama)
 10:00 am - 05:00 pm: LIVE DEMONSTRATION OF VARIOUS CULTURAL ITEMS (Venue Kohima Village, Kohima)
 10:00 am - 05:00 pm: KIDS CARNIVAL (Venue-Childrens Park, Kisama)
 10:30 am - 04:00 pm: HORNBILL INTERNATIONAL PHOTO FEST (Venue-Outside Museum, Kisama)
 08:00 am - 07:00 pm: KHEZHAKENO PEOPLES FESTIVAL (Venue-Khezhakeno)
 10:00 am - 04:00 pm: NAGA CHEF SEASON 8 (Venue-Kisama)
 04:00 pm: NAGA ETHNIC AND TRADITIONAL WEAR SHOW (Venue-Main Arena Kisama)
 04:00 pm - 08:00 pm: TRADITIONAL EVENING PARK (Venue-Kigwema)
 06:00 pm: Music Festival COTTON COUNTRY AND PURPLE FUSION(Venue-Main Arena Kisama, Kohima)
 06:00 pm - 09:00 pm: NIGHT CARNIVAL - 1, NIGHT CARNIVAL - 2, NIGHT CARNIVAL - 3, NIGHT CARNIVAL- 4 (Venue-Kohima Town, BOC Junction,High School Jn. & Kohima Local Ground, Khuochiezie)
 03:00 pm onwards: Pop-up & Concerts by imagi Nation (Venue-Rcempa)

Rajdhani Express ajanga arem shiti 2 tsükset



Guwahati, December 1, 2021 (Agencies): Mongulbarnü Kamrup Metro district kübok Khetri tesem nung Rajdhani Express train ajanga arem shiti ana tsükset. Iba lendong ya Durung

Mainajan nung atalok. Arem shitemji railway line ajanga süidang Rajdhani Express train jagi tsükset. Iba ya aonung 10:00 ako meta atalok ta iba tesem nung alirtemi ashi.

Tanep Forest ketdangsurtem tesem tonga ao aser railway police teyari agia post-mortem agi. Arem shitemji tesem ka nung aremtsü ta ketdangsurtemi ashi.

Meghalaya Congress atema khuret ka bentsür aruogo

Shillong, December 1, 2021 (Agencies): Meghalaya Pradesh Congress Committee working president James Lyngdoh aser taoba general secretary Dr Manash Das Gupta nati mapa nungi anenba shidi agütsüba ajanga khuret ka ajuruogo. Shillong Press Club nung osangbener den sensaksemdang Lyngdoh-i ashiba agi MPCC president Vincent Pala-i pa mapa ajak agien. "Ni küm 33 tashi tenzüka aru aser president Vincent Pala den

ajuruba ama ni taoba mapang MPCC president shinga dena timtem majurui dang inyakogo. Pai kü nem mapa magütsü lemtet aser parnok ajaki ni nüngdak mali ama dang züngshir" ta Lyngdoh-i shidi ka nung ashi. "Ni jungjunga asadanger ang iba telemteba ya agiogo. Ni ya bendanga agütsüba Congress mapa inyaker ka liasü" ta Lyngdoh-is ashi. Pai tarutsü atema bilemdar saka koba political party nung adentsü'ar meshiteter, ta paisa metetdaksü.

Dr Manash Das Gupta-i MPCC president dangi züluba shidi nung pa kechi atema party toktsür'ar shia mali. "Ni Labour Department, MPCC chairman aser Vichar Vibhag, MPCC chairman mapa nungi anener. Maneni ni küm 36 tashi inyaka aruba aser tawa MPCC nung menden melenshiba matong tashi küm 14 MPCC general secretary inyakba sülen Indian National Congress indang primary membership nungi anener" ta Das Gupta-i ashi.

IPS ketdangsür NK Mishra-i Sikkim DGP inyaktsü

Gangtok, December 1, 2021 (Agencies): Indian Police Service (IPS) ketdangsür NK Mishra-i Sikkim director general of police (DGP) mapa agizükogo. Sikkim sorkari Mishra nem DGP indang additional charge agütsü. NK Mishra-i Bodbarnü Sikkim DGP mapa agizük. "NK Mishra (SK: 1988) ya tang SDGP, Home Guards &

Civil Defence lir aser pai Director General of police, Sikkim mapa repsema abentsü" ta Sikkim department of personnel-i ashi. AK Mishra ya 1988-batch IPS ketdangsür ka lir aser pai taoba mapang special director of Intelligence Bureau (IB) inyakogo. Taküm February ita Centre-i NK Mishra ya DG-level posts atema molunga agizük.

Mizoram CM-i PM dang Mizo oshi jembir ka CS shimtsü nenshir

Aizawl, December 1, 2021 (Agencies): Mizoram sorkari Mizo oshi jembir ka chief secretary shimtsü nenshia metetdaksüogo. Mizoram chief minister Zoramthanga-i Prime Minister Narendra Modi dang iba osang ya nenshi. Zoramthanga ya tang New Delhi nung oa lir aser pai Mongulbarnü Prime Minister den ajurutepa senden amen. Idangji chief secretary shimtsü aser Myanmar refugee tem indang onüktem lemsatop. State sorkari Mizo oshi jembir ka chief secretary shimtsü mepishiba agizükang ta Mizoram chief minister-i PM Modi dang ashi. Idangji Prime Minister-i Zoramthanga dang tanga lenirtem aser ketdangsürtem den iba onük jembitsü ta nangzük. October 28 nü Centre sorkari 1988 batch AGMUT cadre IAS ketdangsür Renu Sharma chief secretary inyaktsü shima liasü. Kasa

anogo nung Mizoram sorkaria JC Ramthanga dang chief secretary inyaktsü tetuyuba agüja liasü. October 29 nü Zoramthanga-i Home Minister Amit Shah dang Renu Sharma shimba melenshitsü indang shidi ka zülü. Mizoram nung cabinet minister shingaia Hindi mangateter aser karibo English oshi junga mangateter ta chief minister-i shidi nung ashi. "Iba jagi India sorkari Mizoram nung Mizo oshi mejembiba nisung ka danga Chief Secretary meshimdang liasü" ta paisa ashi. Mizoram chief minister-isa yashi senden nung PM Modi dang Myanmar refugee tem nem teyari agütsütsü mepishi. Zoramthanga-isa PM dang Mizoram indang IAS aser tanga all India service officers cadre balaka ayutsü aser 1986 küm Mizo peace accord nung sign asüba sülen temai adokba Mizo National Front (MNF) züngsem ajak nem teyari agütsütsü mepishi.

Manipur HC-i Ibobi Singh nem bail temelaba agütsü



Guwahati, December 1, 2021 (Agencies): Manipur High Court-i Mongulbarnü taoba Manipur Chief Minister Okram Ibobi Singh nem bail temelaba agütsüogo. Enforcement Directorate ajanga Ibobi Singh anema sen ochimeshi amshiba ken o ka benoka lir. Manipur Vigilance and Anti-Corruption department ajanga FIR agütsüba nung ajemdaker ED indang Guwahati zonal office ajanga March 16, 2020 nü ken o ji benok. Chief Justice Sanjay Kumar adenba bench-i Ibobi Singh nem bail temelabaji agütsü. "Mapang

talangka tejakdang inyakba maparen atema tang tepuokdak yur asüngdangya asütsü kuli kecha mangur" ta pai ashi. August 26, 2019 nü FIR dak sendakba nung pa nem anticipatory bail agütsüogo ta Chief Justice-isa metetdaksü. Ajsüaaka, okadaki taoba CM Ibobi Singh dang linük toktsür maotsü aser nüngdakba mapang bushisüngdang nung yariteptsü metetdaksü. Loktak Development Authority (LDA) ajanga mapa kar inyakba dak sendakba nung FIR ji benok. Iba mapang LDA nung Ibobi Singh-i chairman inyak.



TRIBAL AFFAIRS DEPARTMENT

GOVERNMENT OF NAGALAND




1st to 10th DECEMBER 2021

NAGA HERITAGE VILLAGE KISAMA




Catapult Target Competition

folk tales narrative event




Exhibition of Tribal Art & Crafts

ORGANIZED BY

NAGALAND TRI, DEPARTMENT OF TRIBAL AFFAIRS

UNDER

TRIBAL RESEARCH INSTITUTE, MINISTRY OF TRIBAL AFFAIRS, GOI

Christian Grammy Awards atema nominations sangdongogo



Yaküm Nashville, Tennessee nung 52buba Gospel Music Association Dove Awards sentong nung Maverick City Music telokpur tangokba noksa nung angur.

Luchii/December 01, 2021: Mongolbarnü (November 30) Recording Academy-i Christian Grammy Awards nominations sangdongogo; Bethel Music collective nungi Dave aser Maverick City Music napronglai nominations pongungu angu.

Tekülem aser tetushi kentener, Tauren Wells-i nominations ana angu. Best contemporary Christian music performance/song ("Hold Us Together (Hope Mix)") aser best contemporary Christian music album for Citizen Of Heaven (Live) category nung la nominate asü.

Instagram ajanga Wells-i, "Ni kanga pelar. Ni item nominations meimlai liasü saka iba osang angashia ni kanga pelar," ta metetdaksü.

Best Gospel Performance/Song award atema nominations yamai lir: "Voice Of God" - Dante Bowe Featuring Steffany Gretzinger & Chandler Moore; Dante Bowe, Tywan Mack, Jeff Schneeweis & Mitch Wong, songwriters; "Joyful" - Dante Bowe; Dante Bowe & Ben Schofield, songwriters;

"Help" - Anthony Brown & Group Therapy; Anthony Brown & Darryl Woodson, songwriters; "Never Lost" - CeCe Winans aser "Wait On You" - Elevation Worship & Maverick City Music; Dante Bowe, Chris Brown, Steven Furtick, Tiffany Hudson, Brandon Lake & Chandler Moore, songwriters.

Best Contemporary Christian Music Performance/Song award atema nominations yamai lir- "We Win" - Kirk Franklin & Lil Baby; Kirk Franklin, Dominique Jones, Cynthia Nunn & Justin Smith, songwriters; "Hold Us Together (Hope Mix)" - H.E.R. & Tauren Wells; Josiah Bassey, Dernt Emile & H.E.R., songwriters; "Man Of Your Word" - Chandler Moore & KJ Scriven; Jonathan Jay, Nathan Jess & Chandler Moore, songwriters; "Believe For It" - CeCe Winans; Dwan Hill, Kyle Lee, CeCe Winans & Mitch Wong, songwriters aser "Jireh" - Elevation Worship & Maverick City Music Featuring Chandler Moore & Naomi Raine; Chris

Best Contemporary Christian Music Album award atema nominations yamai lir- No Stranger - Natalie Grant; Feels Like Home Vol. 2 - Israel & New Breed; The Blessing (Live) - Kari Jobe; Citizen Of Heaven (Live) - Tauren Wells aser Old Church Basement - Elevation Worship & Maverick City Music.

Best Roots Gospel Album nominations yamai lir- Alone With My Faith - Harry Connick Jr., That's Gospel, Brother - Gaither Vocal Band, Keeping On - Ernie Haase & Signature Sound, Songs For The Times - The Isaacs aser My Savior - Carrie Underwood.

Brown, Steven Furtick, Chandler Moore & Naomi Raine, songwriters.

Best Gospel Album award atema nominations yamai lir- Changing Your Story - Jekalyn Carr; Royalty: Live At The Ryman - Tasha Cobbs Leonard; Jubilee: Juneteenth Edition - Maverick City Music; Jonny X Mali: Live In LA - Jonathan McReynolds & Mali Music aser Believe For It - CeCe Winans.

Best Contemporary Christian Music Album award atema nominations yamai lir- No Stranger - Natalie Grant; Feels Like Home Vol. 2 - Israel & New Breed; The Blessing (Live) - Kari Jobe; Citizen Of Heaven (Live) - Tauren Wells aser Old Church Basement - Elevation Worship & Maverick City Music.

Best Roots Gospel Album nominations yamai lir- Alone With My Faith - Harry Connick Jr., That's Gospel, Brother - Gaither Vocal Band, Keeping On - Ernie Haase & Signature Sound, Songs For The Times - The Isaacs aser My Savior - Carrie Underwood.

Anti-conversion ozüng kübok Pastor ka küm ana tepuokdak ayutsü

Washington D.C, December 01 (Agencies): Nepal nung anti-conversion ozüng kübok pastor ka küm ana tepuokdak ayutsü obendang agütsüogo, iba dak alia pastor dang senchi 20,000 achir, ta International Christian Concern (ICC)-i metetdaksü.

November 30, 2021 nü Nepal nung anti-conversion ozüng kübok aibelenba atema Dolpa nung aliba district court-i Pastor Keshav Acharya küm ana tepuokdak ayutsü obendang agütsü.

Pastor Acharya-i coronavirus wara dak sendakba osang tai proker, ta pa nem tai tonglokja yaküm March 23 nü pa pua liasü.

Pai sarasademba video ka social media nung kanga prokshia liasü. Video nungji

pastor-i yamai sarasadem, "Hi, corona - na oang aser süadokang. Nü mapa tamajungtem ajak Kibuba Yisu tashi agi samajang. Yisu Khrista tenüng nung ni na aitsür."

Yaküm April 19 nü Pastor Acharya bail nung chiok saka court kima idangyongjisa tanaben apu aser Dolpa District Police ket nung agüja liasü.

Dolpa district nung pastor-i tangartem Khristan yimsü dangi meyipdaksür aser yimsü dak sendakba kaketterem alemer, ta shia November 22, 2021 nü Dolpa nung aliba District Court-i anti-conversion ozüng kübok pa aitsü. Tatemsa November 30, 2021 nü Pastor Archaya anema ken o angadanga sülen pa küm ana tepuokdak ayutsü obendang agütsü.

Nepal nungbo nisung kar

tamangba yimsü meyipdaksübaji ozüng alema inyakba aibelen ka lir.

ICC Regional Manager for South Asia, William Stark-i, "Pastor Acharya aitsüba atema International Christian Concern-i tebilemtsü akar. Küm ka dak tali Dopl District keddangsertemi Pastor Acharya anema inyaker aser Khristan pastor ka asübayong pa nem temerenshi agütsür. 2015 küm linük temzüng yanglushiba sülen Nepal nung Khristantemi Arrla 26 ya Khristantem anema inyaksü atema lir ta bilema liasü aser tanübo Nepal nung Khristantem iba timtem ya atangji ajangshir. Linük nung sensotem nem tamangba yimsü temeden agütsünüra anti-conversion ozüng ya agentsüla," ta metetdaksü.

ANO GO ABEN TSÜNGREM DEN

Pei sasa tiak tesang

"Memok kati ka den temulung kasasa liang. Ulutsü mapa indang tebilem, saka ajemalu mapa nung jaja-ang. Nenok tiak tesang." Rom 12:16.

Yisui alima nung alidang pai ajak den kasa liasü, pai shinga bendanga mamshi, tulu, tila, takar aser sensaker ajak den kasa dang liasü. Yisui Khristai asenok dang koda ajemalutsü aser kati ka yaritepbatenzükteptsü indang sayu. Luk 15:1-2 nungji, Alimelen sarurtem aser temenenpurtem ajak Yisu O angatsü pa anasai aru ta shia lir. Yisu Khristani asen taküm nung ulutsü aser asen sasa tiak asangtsü indang mesayu saka tila kumaa ajemalutsü indang dang sayu. Tanü asenoka asen sasa uluba, asükümba, asen sasa tiak asangba yimya nung lir asüng mesüra ajemaluba aser tangar den kasasa yimya nung jajar? Aiben asenok sasa uluba, asükümba nem ya kokdaksür aser iba uluba, tiak asangba yagi pei asoshi dang bilemer, tangar kodanga mezüngoker, mepeladaksür, akhüm metsübur saka, tangaer yirutsür, jeshidaksür. Kechiaser pa/la dak asüküm, tiak asangba lir. tatishitsü ka; tangari ano inyaka mesayudang, item tiak asangertem, pei sasa ulurtemi yakta dang obendang agütsür... pai mesüra parnoki kechi koda inyaktettsü ta atalatsüba, menütsüba. Atangji, shiri ulua bilemer aser pei sasa tiak asanger parnokji aiatai.

Sarasadem

O Tsüngrem, onok sasa uluba sasa uluba, asükümba menen nungi tai tatok agüjangma. Amen

Sayutsüngir, Marcus Lamb covid tashidak agi süogo



Marcus Lamb aser pa kinüngtsü, Joni

December 01, 2021: Sayutsüngir aser Daystar Television Network tenzüksang, Marcus Lamb coronavirus tashidak agi süogo; pa arrshi küm 64 liasü.

Mongolbarnü Daystar Television Network-i social media ajanga, "Daystar Television Network tenzüksang aser Tir, Marcus Lamb Kibuba den alitsü atema tanep alima nungi pilaogo, ta onoki tejashi nung sangdonger. Yimlibilema maneni nenok sarasadem nung mepishia metetdaksü.

Daystar website nung shia aliba agi, Marcus Lamb ya 1957 küm October 7 nü Cordele, Georgia nung aso aser Macon, Georgia nung intet. Arrshi küm 15 asüdangyongi pai sayutsüngi tenzüka liasü. Pa arrshi küm 16 asüdang pai high school toktsü aser Lee University, Cleveland, Tennessee nung azüng. Pa arrshi küm 19 asüdang graduate asüba sülen pai 1981 küm pa indang ministry- Word of God Fellowship tenzüka. 1982 küm pai Joni den kibong akümba sülen tenati US tesem

ajungalen sayutsüngia jaja.

Pai Laishiba junga meteta liasü, ibayongji pa dang "Walking Bible" ta aja. 1983 küm pai Israel semdangba mapang nung Tsüngremi pa dang Montgomery, Alabama nung Christian television station ka tenzüksü jembia liasü.

1985 küm Montgomery nung pai WMCF-TV, "45 Alive," tenzüka aser iba ya Alabama nungbo Christian television station mezüngbuba liasü.

1990 küm pa Dallas, Texas-i oa KMPX-TV 29 tenzüka liasü aser küm pezü lir tesüsa pai Daystar Television Network tenzüka liasü. Tanübo Daystar Television ya US nung kibong million 108 aser alima nung nisung billion 2 dak temai repranger.

Pa asüba osang angashia sayutsüngir, Franklin Graham, kaketzülur aser Ministry lenir Matt Sorger aser Pastor Jentezen Franklin nung densema lenir aikati mangyim jashi lemsatepogo.

Lamb-i pa kinüngtsü Joni den tanur asem- Jonathan, Rachel aser Rebecca nung toktsür pilaogo.


OLONG PAITEP # 6014

1		2			3		4		5
				6		7			
8									
						9			
				10					
11									12
					13			14	
15									
16								17	

TIPILEN		LANGTSÜNGLEN	
1. Nüji masü	- (4)	1. Jila tulu	- (5)
3. Technütsüka	- (6)	2. Sarasademdang tembang	- (4)
7. Aketa shirangba	- (5)	4. Tarutsü indang ashirtem	- (6)
8. Pi	- (6)	5. Alia	- (5)
9. Amena	- (5)	6. Mojing	- (5)
10. Kinü	- (5)	9. Tai inyakba metet	- (5)
11. Tanang masü	- (5)	10. Medemer chijiba	- (6)
13. Lenmang	- (6)	11. Tatokba / Amadok	- (5)
15. Nübo tedi	- (5)	12. Anüngdang masü	- (5)
16. Tuoshi	- (6)	14. Jabaso masü	- (4)
17. Shiruru apuba temenatsü	- (4)		

OLONG PAITEP # 6013 TELANGZÜBA

TIPILEN :	LANGTSÜNGLEN :
2. Bangsemo, 6. Tiptem, 8. Jen,	1. Yipten, 3. Nüja, 4. Sangro, 5. Milen,
9. Talila, 11. Aren, 12. Tzübo, 14. Alia,	7. Tulu, 10. Laza, 11. Aben, 12. Tiyong,
16. Angati, 17. Odi, 18. Azü,	13. Ajizük, 14. Aitsü, 15. Tasa, 16. Aina.
19. Sünglang.	



TANÜBO NAI LANGZÜANG

Q. 'World Television Day' kodang amunger ?
 [A] November 18 [B] November 21
 [C] November 23 [D] November 25
 _____ (Taruba adok nung onoki langzüsü)
YASHI ADOK TELANGZÜBA : UK

AO OSHI ANGAZÜKDAK:
TANÜ ANGAZÜKTSÜBA OJANG

Lijaba
 (n) Akhi Aor tsüraburtemi amangba alima yanglusang tsüngrem (creator of earth)
 * **Lijabai** alima yanglu ta asen tsüraburtemi amanga aru.

Lijak
 (n) ngisa agi yangluba takhatsü (catapult)
 * David-i Goliath **lijak** agi khaset.

Tepela Tasoba Anogo

Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimiyim bureau tem nung agüjang.

1. Tenüng :
 2. Tasoba anogo :
 3. Küm : 4. Class :
 5. School :
 6. Talidak :
 7. Salem osang :

NAI-A YA METETTER MA

December 2, 1816 nü mezüngbuba US nung savings bank lapok (Philadelphia Savings Fund Society)

SUDOKU # 6055					TELANGZUBA # 6054											
		9	6	7			5	9	7	3	2	6	4	1	8	
2			3	8			4	8	2	1	5	7	3	9	6	
	7		2		9		3	1	6	9	8	4	2	7	5	
		1	9		5	8	7	2	3	5	1	9	8	6	4	
	3		4	6			6	4	9	7	3	8	5	2	1	
	9			3	1	5	4	8	5	1	6	4	2	9	3	7
7		4		9	2	3		9	7	8	2	6	5	1	4	3
	2	3			6	1		2	3	4	8	7	1	6	5	9
	1			7				1	6	5	4	9	3	7	8	2

OJANG LUTEP # 5601

AKMA : [][][][]
 ITMA : [][][][]
 ANGDBO : [][][][][][]
 MAALI : [][][][][]
 NGNU : [][][][]
 AY : [][]
 HINGGA : [][][][][]
 ITSMALÜ : [][][][][][][]
 AISAMA : [][][][][]
 EMEBILR : [][][][][][][]

OJANG LUTEP TELANGZÜBA # 5600
 TAKÜM NUNG PELAA LINÜRA NÜKJIDONG NUNG RANGLOKER INYAKA AOTSÜ MERANGANG

TAN HOPTA ATEMA - KOMA SÜLA ?

Q. Kohima nung Hornbill benjong amongtsü atema Kisama yim akümba ama, Mokokchung district nunga yim ajunga adenshia sobaliba benjong amongdak yim tasen ka mesemtet nunga koma süla ?



New Delhi, December 01, 2021: Rajya Sabha nung Opposition MP 12 anentsüba anema Bodhbarnü Parliament kima opposition party temi longkak aitba noksa nung angur.

Regional party tem longjemra BJP tamakok ngudaktsütsü: Mamata

New Delhi, December 01 (Agencies): Bodhbarnü Trinamool Congress tongti lenir aser West Bengal Chief Minister, Mamata Banerjee-i, regional party tem longjemra BJP tamakok ngudaktsütsüji melamelar asütsü, ta metetdaksü.

"Onoki BJP agienang aser linük kümzükang ta shiner," ta lai metetdaksü.

Laisa, lai aniba party Trinamool Congress (TMC)-i taruba Uttar Pradesh Assembly elections nung shilem magitsü, ta metetdaksü.

TMC aser Congress na tsüingda mangatettep lia Mamata-i Shiv Sena aser NCP lenirtem ajurutsü atema anogo

asemnü asoshi Mumbai semdanga lir.

Taküm West Bengal assembly election nung TMC-i takok tulu anguba sülen Congress lenir aikati party toktsür TMC nung denogo. Tawa Meghlaya nunga Congress Party MLA 17 nungi parnok 12-i party toktsür TMC nung aden.

BJP anema opposition teloktep nung lenirji la asütsü asü?, ta asüngdangba langzüdang lai, ni tilateri inyaker ka dang lir, aser maneni yamaji dang inyaker, ta ashi.

Congress lenir Rahul Gandhi aitsüba olen ka nung lai, "Yimtenren nungbo maneni inyaktsü nüngdak. Bendanglen

mapang talanglang amongtsü makok," ta ashi.

Lai NCP Tir, Sharad Pawar ajurutsü aliba dak sendakba nung lai, Maharashtra aser West Bengal na tesendaktep junga lir, ibayongji lai Pawar ajurutsü, ta ashi.

Ano külen NCP lenir, Majeed Memon-ia, West Bengal aser Maharashtra na senteper Lok Sabha nung menden 90 lir, anungji state anati senteper Lok Sabha nung BJP züngsemtem ajema kümdaktsütetsü, ta metetdaksü.

Mongolbarnüa Mamata Banerjee-i Shiv Sena lenirtem-Aaditya Thackeray aser Sanjay Raut na ajurua liasü.

Longkak aйдang aluyimertem asüba record mali: Centre

New Delhi, Luchii/December 01 (Agencies): Aluyimertemi küm ka piyong longkak aita aruba mapang nung aluyimertem asüba record sorkar ket nung mali, anungji aluyimer kibongtem nem senotsü teyari agütsütsü madoker, ta Bodhbarnü Parliament nung Agriculture Minister, Narendra Singh Tomar-i metetdaksü.

Lok Sabha nung tasüngdangba ka langzüdang Tomar-i, "Ministry of agriculture & farmers welfare indang record nung ibaji mali, anungji teyari agütsütsü madoker," ta metetdaksü.

Longkak aitba mapang asür aluyimertem kibongtem nem

senotsü teyari agütsütsüla aser MSP atema ozüing ka yanglutsüla, ta akhangba densema aluyimertemi takhangba onük trok agüja lir. Takhangba ajakji magizük tashi parnoki longkak aittsü, ta metetdaksüogo.

Mongolbarnü SKM lenir, Darshan Pal-i, "Centre sorkari minimum support price (MSP) atema committee nung züngsemtsü atema züngsem pongu agüjang ta SKM (Samkyukt Kisan Morcha) nem metetdaksüogo. Tang tashi nung onoki shinga meshim. Honibarnü senden amendang onoki iba atemaji telemtetba agitsü," ta metetdakja liasü.

Longkak aitba mapang asür aluyimertem kibongtem nem

WAMEKEN VILLAGE COUNCIL PELABA SANGDONG

Ozü yimdak kanga nüngdaka aliba mapang ka nung, 27th November 2021 anogo nung Sp. I. SENTI AO (S/o. Lt. Imsutoba) aser Kr. Talirenla (D/o. Tiatemjen) nati Dr. HITO JAKHALU (THAHEKHU village, Dimapur) anir arua yimer tantsü-tampu aser shirangertem nisung 200 dak tema repranga, angati mozü aser injection agüja anogo tepeyong kanga anepalua yaria liasü.

Parnok mapa tajung, iba sapang ajanga lemsateper. Tsüngremi par mapa tali moajangma.

Sd/-
Nungsang Longkumer
Chairman, WVC.

Tang tashibo India nung Omicron variant mali: Health Minister

New Delhi, Luchii/December 01 (Agencies): Tang tashi nungbo India linük nung Covid-19 variant Omicron mali, ta Parliament nung Union Health Minister, Mansukh Mandaviya-i metetdaksü.

Iba variant agi India matongtsü atema Centre sorkari mera aika agia inyakdar, ta paisa metetdaksü.

Rajya Sabha nung Question Hour mapang minister-i, "Omicron variant ya linük 14 nung putetogo. India nung iba variant mali, saka yangia iba variant indang study südar," ta metetdaksü.

Bhushan leniba nung senden amenba mapang nung state tem dang linük balala nungi arurtem mita reprangtsü tuyua liasü.

Iba tashidak puteta aliba linüktem nung arurtem mezüngbuba anogo nung samples tendangtsü aser RT-PCR test osang mangashi tashi airport nung atatsü.

Union health secretary-isa

state tem dang testing infrastructure tajungba akümtsü aser tetuyubatem shidak bentshia district shia nung RT-PCR tendangtsü aser osang bendentsü mepishia metetdaksü.

Bhushan-i sangdong ka ajanga, "State tem dang health infrastructure (ICU, O2 beds, ventilators) renema alitsü tuyuba den külemi Emergency Response & Health System Preparedness (ECRP-II) mapa kuma inyaktsü, talisa yimtsüngtem aser tanurtem dak rangloker inyaktsü tuyuogo," ta metetdaksü.

Ano tanga osang ka nung, India nung ano nisung 8,954 dak coronavirus putet aser iba tashidak agi shiranger nisung 267 süogo, ta Bodhbarnü Union Health Ministry-i metetdaksü.

Tang India nung coronavirus agi teshirangdakpur lakh 1 den tajemba (99,023) kümogo. Tang tashi nung India nung iba tashidak agi shiranger 4,69,247 süogo.



December 01, 2021 nü Bihar yimtiba, Patna nung state assembly agiba mapang RJD MLA, Bhai Virendra (ajichi) aser BJP MLA, Sanjay Saravgi na raratepba sülen tenapronglai tatok meshitepba sülen osangbenertem den jembiba noksa nung angur.

2022 Goa Assembly election atema GFP-i Congress den lokteper

New Delhi, December 01 (Agencies): Sangküm küm tetenzüklen Goa nung assembly elections agitsü, aser iba election atema Goa Forward Party (GFP)-i Congress party den loktepogo, ta Bodhbarnü GFP Tir, Vijay Sardesai-i metetdaksü.

Mongolbarnü GFP MLA ana- Vijay Sardesai aser Vinod Palyekar na den independent MLA, Prasad Gaonkar nungeri Delhi nung Congress lenir, Rahul Gandhi ajurua liasü.

Bodhbarnü osangbener den

jembidang Sardesai-i, "Mongolbarnü ni Congress lenir, Rahul Gandhi ajurua liasü. Onoki shisa lemsatepba nung ajemdaker longjemner. Kobi melii party tsüingda menden alemtsü atema jembitsü," ta metetdaksü.

Tamalen GFP ya Goa nung BJP-i aniba sorkar nung densema liasü, saka taruba election nungbo Congress den lokteptsü atema telemtetba agiba dak sendakba nung Sardesai-i, "BJP-i ni ashioktsüogo.

(Maneni tapak 9 nung...)



December 01, 2021 nü Banda district nung taruba Uttar Pradesh assembly election atema nüboyimba sentong ka nung Samajwadi Party Tir, Akhilesh Yadav aser party lenirtem tangokba noksa nung angur.



Barbados yimtiba, Bridgetown kübok Heroes Square nung Presidential Inauguration Ceremony alidang Barbados Ato Kilonser Mia Mottley (abelen) aser Tir Dame Sandra Mason (achichi) nati Rihanna nem Natioal Hero konag tetushi agütsüba noksa nung angur. Barbados ya republic linük ka kumogo aser yimten tekolakba nungi Queen Elizabeth II agienogo.

Nigeria rong lendong nung tanur densema nisung jenti asü

Bagwai, Luchii/Dec. 01 (Agencies): Tanur arishi küm ti nungi 15 tsungta timba sür passenger tali mena aliba rong ka northwest Nigeria kübok Kano state nung Bagwai River nung mükepök, ta tekumzüker temi ashi.

Kano state indang fire service odongtar Saminu Abdullahi-i ashiba agi, iba lendong ya Mongulbarnü menur atalok.

"Onoki nisung tasü mang 29 ngutetogo aser passenger tenet kumzüka lir. Tanungba nisung tasü mang 13 maneni bushir," ta

Abdullahi-i osangbener dang Bodhbarnü ashi.

Iba rong ya shidakbabo nisung tain 12 dang abentsüba liasü saka rong ketdangsürtemi tanura aika rong nungya mendaktsü, ta Abdullahi-i ashi.

Tanurtem ya Kano state kübok Badau yimtsung nungi lir aser parnok dang tamangba yimsü tsütsü sentong ka atema ayong alema orr aliba Bagwai jila leni aorba liasü.

Nisung tali amenba, tziingsang majungba aser rong junga anepalu masüba ajanga Nigeria tzi lenmang nung rong

lendong ya mapang shia ataloker.

Taoba ita anasa aliba Jigawa state nung rong ka mükepökba mapang tetsür arishi küm 10 nungi 12 tsungta par tenet tzi nung arakseta asü.

Juna ita Sokoto state nung kiyimba benjong nung adener mena aliba rong ka mükepökba nisung 13 asü.

Lendong tulutibaji May ita ataloka liasü, kong süng agi yangluba rong ka Niger River nung raksar tzi telungi alu aser iba lendong nung nisung 150 dak tema sama.

Vaccine course tembanga magirtem mesenzüi alitsüla: WHO

Geneva, Luchii/December 01 (Agencies): Temang majung alirtem aser tashidak mela-mela menatsü jenjang nung alirtem vaccine course tembanga magi lira senzüsempong mesüi atatsüla, ta World Health Organization ajanga ashi.

Senzüsemponger atema tang tesüsa tekumdangtsü ashiba nung UN agency ajanga arishi küm 60 nungi tema aser ano temolungjang tashidak, cancer aser diabetes alirtem dena lir.

WHO ajanga mezüng sangdong ka nung iba telok nung adener shinga mesenzütsü ajungshia liasü.

Iba sangdong melenshiba nung iba tashidak mela-mela menatsüpur aser vaccine course tema magi alirtem senzüsempong mesüi atatsü shia lir.

COVID-19 tashidak wara agi alima tesem ajunga sünger lia WHO ajanga nisungtem dang senzüsempong mesüi atatsü shia aliba den külemi ano Omicron variant putetba sülen iba sangdong ya agütsü.

Senzüsempongba ajunga nokdangba agi tashidak prokshia aoba nungi mekumzüktet, ta WHO-isa nenshia ashi.

South Africa-i iba variant tasenba indang alima nem taoba hopta metetdakja liasü.

Iba sülen linük aikati southern Africa linüktem nungi senzüsemponger marudaktsütsü tenokdangba agütsü.

"Senzüsempongba ajunga nokdangba ajanga linük balala

nung tashidak menashia aoba menokdangtet, aser ibaji ajanga nisung takum aser takum liyonga aoba nung khuret tulu agütsür," ta WHO-i sangdong nung ashi.

"Ajidang masü, alima nung tashidak anema raraba nung kanga mejungi kongshitsü, kechiaser linük temi epidemiological aser sequencing data shidak melemsatetsü."

Netherlands nung Omicron ya bilemba dang nungi tama liasü, ta ketdangsürtemi ashiba sülen WHO ajanga iba osang ya sangdonga liasü.

Southern Africa azümgeyaka yutsüba atema süoki ia bilemtsür aser vaccine kanga ajema aliba atema Africa nung aliba nüburtem tenüng masentsüla, ta UN Secretary General António Guterres-i ashi.

Omicron dak sendakba nung tasüngdangba aika lir aser item rongnung iba tashidak menatepa aoba, tashidak agi kangshidaktsüba aser tendangba aser vaccine agi mapa inyakbatem densema lir, ta WHO tekolakba, Tedros Adhanom Ghebreyesus-i ashi.

Dr Tedros-i WHO züngsem linüktem dang kanga junga asadanger tenokdangba mera agütsü ajungshiba WHO indang website nung lemsatetpa liasü.

Junga meshisadangi region nem tenokdangba agütsüba ya tim masü aser tenokdangba agütsüba kisüng agi iba variant prokshia aoba nungi mekumzüktet, ta South Africa Tir Cyril Ramaphosa-ia ashi.

Uganda sepaitem ADF bushitsü DRC tongogo

Kampala, Luchii/Dec. 01 (Agencies): Allied Democratic Forces (ADF) anema lungjemr raraba nung shilem ka ama Uganda sepaitem Democratic Republic of the Congo (DRC) telungi yiogo. ADF yagi civilian tema aika tepsetogo, ta linük anaprong yagi aitsür.

Linük ana yagi DRC anüdoklen ali rongsen peria alidak ADF aliba tesem nung bomb poklokja tayimtsü amshia amak, ta Mongulbarnep shia liasü. Uganda army indang odongtar Flavia Byekwaso-i sangdong ka nung, tenük yokdak mezüng-mezünga kongshio, ta ashi.

Mapang tatsüka lir Uganda sepaitem telok tuluka North Kivu state nung aliba Nobili border post ajanga DRC telungi ai, ta United Nations aser teyari agütsüba mapa inyakertemi ashi.

"Nok-o-nü teperi bener sepaitem telok tulu ka sülen injang aser bomb nungi kumzüksüsa yanglua aliba gari tem ai," ta ashi.

Social media nung prokshiba video tem nunga sepaitem Uganda indang nisan aliba

uniform semer oa liasü.

Linük ana tsungta maneni amalitep alitsü lemtetogo, ta DRC sorkar indang odongtar Patrick Muyaya-i ashiba sülen iba ya ataloker alitsü.

"Kiralongrartem mürektetsü atema linük ana indang special forces temi maneni operation agütsü molungtep," ta pai Mongulbarnü menur Twitter nung ashi.

DRC army indang odongtar Leon-Richard Kasonga-ia sangdong ka nung, "Tang atema Congolese special forces temi Ugandan special unit tem teyari agia tanep tayimtsü amshia amakba nung kongshia aliba ADF position tem mürektetsü aser atsüngdoktsü mita bushiba operation agütsü," ta ashi.

"DRC anüdoklen iba tesem ya arem min tulu agi sünga lir. Aser yangji ADF tem atsükshia amenoka lir. Arem min amshia raraba telungpur telok ka bushitsü atema kanga tasak asütsü aser iba yongji taoba mapang ADF samatsütsü merangba nung takok mongutety," ta osangbener kati ashi.

Congolese sorkari tesüsa iba

mapa inyaktsü merangba ya May ita liasü, aser iba mapang parnokki telungpur anema mitkartemi tashi tuluba amshia raratsü mechi linük anüdoklen North Kivu aser Ituri province ya "state of siege" küboki aitaaktsü aser tongtipang tesemtem nung civilian melena sepaitem yoka liasü.

North Kivu indang Watalinga district, Boga aser Tchabi district tem nung ola tulu adoka apokba aser injang tesashi khaloktsüba angashiogo, ta kuli alirtemi ashi, kong ADF tem atsüka lir ta jembia liasü.

"Yangji kidang alirtem kanga tetsübu nung lir, kechiaser iba tensa indang onok nem memetetdaktsü," ta yangji alir Julien Ngandayabo-i osangbener dang ashi.

"ADF ajanga timtem jenti agütsüogo, shirnoki kinungertem ajunga tepset. Iba yagi tensa tajungba kumdaktsütsü imla atar," ta pai ashi.

Tir Felix Tshisekedi-i Uganda dang DRC ali nung ADF anema raratsü temelaba agütsüogo, ta Congolese osang ka ajanga shir anogo ana lir parnokki amak.

DRC nung iba maparen ya linük aikatibo nungita mali, aser linük anüdoklen küm aika mepetmesü adoka aruba nung Uganda aser Rwanda shilem lir, ta aikati ashir.

DRC anüdoklen ADF ya kanga tsübur. Iba telok ya 1995 küm Uganda nung tentet aser mapang tatsüka lir DRC leni ao. March ita United States-i ADF ya ISIL (ISIS) den sendaktepa lir, ta sangdonga liasü.

"ADF ya taochi maliba tentet ka lir, shirnok Uganda nungi atsüngdokba sülen DRC anüdoklen nisung meyerijang aika tepset," ta Chatham House analyst Alex Vines-i ashi.

2013 küm nungi tenzüka ADF yagi civilian 6,000 dak tema tepsetogo, ta DRC indang Catholic Church ajanga ashir aser Kivu Security Tracker ajanga ashiba agi, 2017 küm nungi tenzüka North Kivu kübok Beni area kisüng nung parnokki nisung 1,200 dak tema tepsetogo.

Lendong agütsüba aser lendong agütsütsü sentong yangluba atema Uganda ketdangsürtemi ADF mesüra parnok den sendaktepa aliba

telok ka tenüng asener.

Uganda yimtiba, Kampala nung November 16 nü takum bendanga agütsür bomb ana poklokja nisung pezü takum samatsüba aser 33 yirutsüba ya ADF den sendaktepa aliba kiralongrar telok ka mapa lir, ta police temi ashir.

Iba bomb lendong ya ISIL (ISIS) ajanga tenüng agia liasü aser aji masüdag October 23 nü lenmang tezülen chiyongtsü ayokba tesem nung bomb ka poka tetsürka asü aser ano October 25 nü Kampala anasa bus ka nung takum bendanga agütsür bomb ka pokloktsüba nunga nisung aika yirua liasü.

October ita tatemlen Uganda police temi ADF züngsem südi ta temolung melema aliba nisung kar pua lir ta ashi, shirnoki lendong tasen kar agütsütsü sentong yanglua liasü südi ta amanger.

August ita mitkar tanishir ka indang asüpila sentong nung bomb pokloktsütsü tasa yangluba raksatsüba nunga Uganda-i ADF tenüng asen. Iba dak sendakba nung November 5 nü nisung asem anema ken o benoka liasü.

MULUNGNEŊ O



Asür Rongsenyangla Longchar (Molungkimong)
1948 - 22.11.2021

Onoki teti meima aliba taremzüŋ ojala, Asür Rongsenyangla, shirangba mapang nungi asü pila sentong tashi temeimer shirisa shisa, nübo, rongsen aser sarasadem agi yaritepogo, nenok ajak dang pelaba lemsateper. Tulusang Tsüngremi nenok ajak moajang ta ozü sarasadem.

Temein, chirnurtem, semchirtem aser kinungertem.

TENÜNGSANG AGÜTSÜR

Ungma Senso Mungdang Office ajanga Teküboklen agüja aliba wadang balala nung inyaker-i Ungma sensosanger nem konang tetushi tulu bener arutsü nung senso-i nenok ajak nem tenüngsang agütsür.

1. **Shri. S. TALIMEREN** S/o. Lt.SAKURENBA. Promoted to S.D.O. (Electrical) Department of Power, Kohima Nagaland.
2. **Shri. IMTINOKDANG** S/o. TEMLENDANGBA. Promoted to S.D.O. (C) Akuhaito, O/o E.E. (Hydel) Kohima Nagaland.
3. **Shri. O.TIALIBALKr** S/o. ONENTIBALKr. Promoted to D.A.O. Department of Treasury & Account Mokochung Nagaland.
4. **Wt.IMWAPANGLAIMSONG** D/o. I. ALEMPOKBA IMSONG Lai Ph.D degree Topic "Contour of Ecofiction Canon and Beyond" iba dak ajemdaker züluba nungi temteta, Department of English, Nagaland University, Meriema Kohima nungi iba jenjang ngutet.

Tsüngremi nenok wadang balala nung inyaker ajak maneni moajangma.

Sd/-
TIAJUNGBA (TATAR)
President

Sd/-
SENMOABA IMSONG
General Secretary

ONSARA PELAR

Sojasor Walunir Dr. S.C Jamir, atura mapang nungi tanü tasoba Küm 91 Buba ajemoka aiba tashi nung Indian, Nagaland Politics nung jenjang aser wadang balala nung nüburtem tenzüka arudang, Govt. of India-i temulung achiba temaitsü Badma Bhushan konang naroküm Indian lima yimtiba nung agütsüba anogo nungi tenzüka, par talidak tesem Chumukedima tashi Ao Senso Telongjem, Watsü Telongjem Dimapur lenisüba kübok lokti tentet aser nüja kwinakati aküm tetushi agütsüba den, sentong balala nung pelaba lemsatepogo, nenok ajak dangi Ungma Sensosanger ajaki kangasa pelar.

Asen lenir wadang aser jenjang balala nung inyaka arudang takok aser konang nüngsang ajangzüktebaji temeim kinungtsü IMKONGLEMLA shisatsü aser asalendong ajanga lir, anungji Ojala danga alakteta 'Kümrem' pelar ta Ungma Senso Mungdang mendenti ajanga lemsateper.

Tsüngremi asen lenir taküm manen-i nüburtem asoshi moajangma.

Sd/-
TIAJUNGBA (TATAR)
President

Sd/-
SENMOABA IMSONG
General Secretary

2022 Goa Assembly election... (Tapak 7 nungi...)

Tang aliba Chief Minister ya GFP aser Congress na taoba mapang Chief Minister loktepa ya 'memeshiba Manohar Parrikar ama masü. teloktep' ta TMC-i aitsü.

Parrikar-ibo teloktep nung aliba Osangbener den jembidang party tem den külemi yimsüsü TMC MP, Mahua Moitra-i, liasü, sorkar ketdangtsüsü atema "Mongolbarnü langka pai (Parrikar) meteta liasü, atalokogo, iba ya ya Goa nunger ajaki shisadangtsüla. Goa minister-ibo ketdangtsüsü Forward Party anisang, Vijai memetet aser ochimashi. Goa Sardesai-i ano Congress den sobaliba aser rongsenkettsüng jembidar aser Goa election kümzüksü atema BJP tamakok atema lokteptsü asoshi ngudaktsüsü asoshi onoki jembidar," ta metetdaksü.

Congress den lokteptsüla," ta Laisa, BJP tamakok metetdaksü. ngudaktsünüra Goa nungeri iba

TMC-ibo Goa assembly memeshiba teloktep atema election nung tanga party den kümndanga alitsüla; BJP meloktepi tokteptsü telemtetba tamakok ngudaktsünüra TMC agiogo. yaritsüla, ta metetdaksü.

27buba Tetso College Freshers Day mungogo



Dimapur, Luchii/December 01, 2021 (TYO):

Mongolbarnü, Tetso College-i Salvete 2021: 27buba Freshers Day sentong ayonga agiogo. Iba sentong nung alakteta tejaoker ama Rupin Sharma (IPS), DG Prisons, Homeguards, Civil Defence & SDRF dena liasü, ta sangdong ka ajanga metetdaksü.

Iba sentong nung Principal Dr. Hewasa L Khing-i, 2020 küm alima tesem ajunga nung coronavirus wara adoker külen nungi taküm iba sentong agitsü asoshi kanga yongya aruogo ta metetdaksü aser lai sentong nung freshers aser tejaoker ajak pelashishia agizük.

Taküm Nagaland district ajak aser kidanger State nungi kaketshir 800 dak tema Tetso College nung denogo, ta lai metetdaksü aser tarutsü nung item kaketshir yagi takok tajung angutsü asoshi yongyar, ta lai lemsateper.

Pei nükjidong nung rangloker inyaktsü aser iba den külemi mapang shitak lemsar inyaktsü asoshi kaketshirtem (Freshers) ajungshiba mapang, lai,

"Mapang ya senti osot ka lir aser iba lima nung nai kodanga mapang peria mangutsü," ta metetdaksü.

Taküm nung mera tasen ka agir asünung, pei dak aketba sempet tajungtiba amshitsü aser meranga azüngtsü asoshi lai freshers tem ajungshia liasü.

Kasa sentong nung alakteta tejaoker, Rupin Sharma (IPS), DG Prisons, Homeguards, Civil Defence & SDRF-i jembia liasü. Pai kaketshirtem dang pei inyakba, anguba aser tebilemba tem tali shisadangtsüla/asadangtsüla ta ashi.

"Itemji asadangshiba ajanga nai ajak (tajung aser tamajung) angutsü aser metetta akümtsü. Idangjiang Nagaland nung chichiba temelenshiji arutsü," ta pai shisem.

Pai kaketshirtem dang 'asüngdangyaba'yimya süpatsü ajungshia liasü. "Ajemaluba ya tangari ashiba kecha mebilemdangi angaba kisüng masü saka timba masüba nung asüngdangyatsüba ya lir," ta pai ashi.

Rupin Sharma-isa, kaketshirtem dang temesepeba chiyongtsü nungi pilar alitsü

asoshi tekümdangtsü agutsy aser teti medemer tajung den medemtsü asoshi pai kaketshirtem ajungshia liasü.

Competitive exam nung takok angutsü asoshi kaketshir kati asüngdangba nung telangzüba agüja, Rupin Sharma-i, "Pei dak aketba sempet aser tangatetba metettsüla/shisadangtsüla aser pei sempet nung rangloker inyakang. Ibagaji taküm nung takok angutsü asoshi yaritsü," ta tetuyuba agütsü.

Maneni, Salvete 2021: 27buba Freshers Day sentong ya MA 3rd Semester nungi Kulu Venuh ajanga ketdangtsüa agi aser iba sentong tenzüka Tetso College Unit, EU Secretary, Senchumlo Ngullie-i sarasadem.

Freshers tenüng nung Class 11 Arts nungi Verilu Zuo-i speech azüng aser BA 5th Semester indang Nokmachiba Lemtur-i 'The Climb' ta nungja agütsüba ken aten.

Informal session nung Mr. & Miss Fresher 2021, tsüngsangba, kentenba aser tanga sentong tem agia liasü, ta kasa sangdong nung shia lir.

Zoya Akhtar-i 'The Archies' direct asütsü



Mumbai, Luchii/December 01, 2021 (Agencies): Archie Comics character Archie Andrews indang otsü nung ajemdaker live-action musical film ka atema film yanglur Zoya Akhtar-i Netflix den longjemtsü terenemba lir.

"The Archies" ta nungja agütsüba film atema Netflix-i Archie Comics den longjemtsü aser 1960s mapang India nung atalokba otsü ka ama iba project yanglutsü, ta Netflix-i ashi.

Nüngtugu film talisa "Zindagi Na Milegi Dobara", "Dil Dhadakne Do" aser "Gully Boy" director Akhtar-i iba film direct asütsü.

Akhtar-i "Lust Stories" (2018) aser "Ghost Stories" (2020) tem direct asüba mapang, lai Netflix den külemi inyakogo.

Project tasenba ya Tiger Baby aser Graphic India atema Akhtar aser Reema Kagit nati

produce asütsü.

"The Archies otsü asangsang nung yanglutsü maangka anguba atema pelar aser iba film yanglutsü asoshi yongyaseter. Lanuwa aser tainlonglong mapang iba otsü kanga sapua züngogo. Iba comic nung character tem kanga nüngtugu aser alima ajungai sapuba otsü asünung, iba film yanglutsü asoshi tera arendaker," ta lai ashi.

"Iba film ajanga Archies comic sapurtem den aser tawa tanü lanurtem jembitsü aser parnok tali atsüa arutsü imlar," ta Akhtar-i ashi.

Archie Comics CEO/Publisher Jon Goldwater-i, alima ajunga nung fans tem talisa India nung Archie Comics character aser iba otsü sapur maneni adokba angudang pelar, ta ashi.

"Iba project atema Netflix

den longjemer inyaktsü asoshi yongyar aser Indian cinema ajanga Archie aser par medemer indang otsü tajung ka renemer sayutettsüa Zoya Akhtar aser lar team dak temulung alemer," ta pai ashi.

"Item character ya alima ajungai jangjaa lir aser tangar yimya aser sobaliba ka nung iba otsü yanglutsüa maparen atongtetba ya tarutsü multimedia atema onoki yangluba asalentongtem tetenzüker asütsü," ta Goldwater-i shisem.

Netflix India nung Director of Films aser Licensing, Pratiksha Rao-i ashiba agi, küm aika atema, Archies nung character tem, adventures aser parnok tsüngda tesendaktep ajanga alima ajunga nung fans atsüa aruogo.

"Archie Comics, Graphic India aser Tiger Baby den longjemer Archie comics indang 'live action musical' ka yanglutsü asoshi maangka tulu nguogo," ta Rao-i ashi.

"Character den apet shilem balala lemzüksütsü aser otsü tajung yanglutsü asoshi Zoya dak sempet balaka lir. Fans, India nung külem züngsem aser alima tesem ajunglen asangsang nung Archies otsü sayutsü atema Zoya den longjemer inyaktsü yongyar," ta Rao-i ashi.

BWF World Tour: Srikanth & Sindhu na tanabubara round-i iogo

Luchii/December 1, 2021 (Agencies): India nunger badminton asayar Kidambi Srikanth-i Bodhbarnü straight-game nung France nunger asayar Toma Junior Popov koka, season-ending BWF World Tour Finals tebur kija asaya takok nung tenzükogo.

Srikanth, shibai 2014 küm iba asayamung knockout stage tonga asayaogo, pai group B nung pa indang mezüngbuba asaya nung 21-14 21-16 agi Popov madak takok ngua liasü.

Kasa mapang nung tetsür tarep asayar Ashwini Ponnappa aser N Sikki Reddy na Group B nung mezüngbuba asaya nung 14-21 18-21 agi Japan tsür Nami Matsuyama aser Chiharu

Shida nati tsükdaktsüogo. Taoba mapang world no. 1 asayar Srikanth-i aibelen mesüi kanga junga asaya. Court nung pa kanga kümküma liasü aser kanga junga attack süa asaya.

Mezüngbuba game tetenzklenbo asayar anaprongla kanga toktepa asaya.

Mezüngbuba game break tashi nung Srikanth 11-9 agi tejakdang liasü aser iba sülen pai point pongu atonga nguteta 16-10 agi pa tejakdang aküm aser pai asaya akok.

Tanabuba game nung Srikanth 1-4 agi tesülen liasü saka interval tashi nungbo pa point ana agi timba kümer liasü.

Mezüngbuba game nung ama pa point aika agi tejakdang

küma 14-9 liasü aser iba sülen 19-14 aküm. Popov-i shuttle züktokba sülen Srikanth nem match point pezü agütsü aser pai net nung kanga junga asayaa asaya akok.

Srikanth taruba asaya Thailand nunger junior world championship asembe tashi koker aliba asayar Kunlavut Vitidsarn den asayatsü.

Kasa asayamung tetsür kija asaya nung Sindhu-i Group A nung Denmark tsür Line Christophersen 21-14 21-16 agi ayong ayonga kokogo.

India nunger badminton asayartem rongnungi Sindhu kijai iba asayamung koka lir. La tanabubara round nung Germany tsür Yvonne Li den asayatsü.

Andy Flower-i Punjab Kings coach mapa toktsüogo



Luchii/December 1, 2021 (Agencies): Assistant coach Andy Flower aser Punjab Kings na pilaogo aser pa IPL 2022 atema team tasen anarongnung ka nung shilem ka atatsü akok.

Taoba mapang Zimbabwe captain Flower, shiba küm ter dak tema England indang coach mapa inyakogo, pa 2020 küm mezüngbuba IPL nung shilem agütsü atema maangka agütsü.

"Pai pa indang resignation shiti tawa team nem agütsüogo. Iba shiti agizükogo. Pa team tasen ana rongnung (Lucknow mesera Ahmedabad) kati aotsü imlar," ta BCCI ketdangsür kati ashi.

Arishi küm 53 tain coach nem ya taruba IPL atema mapa tuluba ka agütsür alitsü akok.

Head coach Anil Kumble den Flower taoba season ana tashi inyakogo. Taoba season ana tashi Punjab Kings captain K L Rahul, Lucknow franchise-i aotsü imlaa aliba mapang ka

nung tang iba ya atalokogo. Punjab-i Rahul mechioknü liasü saka pai club toktsünü.

Flower ya CPL franchise Saint Lucia Kings nunga head coach lir, koba Punjab Kings kiburtem meyong lir, anungji pa iba club nunga shilem agütsü magütsü mejangjai kümogo. 2020 aser 2021 season nung Saint Lucia pur tanabubara jenjang nung tembanga liasü.

England team den inyakba mapang Flower lenisüba nung parnoki 2010 küm T20 World Cup akok aser Test ranking nunga pai team temaba jenjang tonga ani.

Taoba season Wasim Jaffer Punjab indang batting coach aser Jonty Rhodes fielding coach liasü.

January ita mega auction magi tsüngda Punjab puri Mayank Agarwal aser Arshdeep Singh na mechioki yuogo. Parnoki lanur asayartem dak rangloker inyaksangshitsü imlar.

Lance Klusener-i Afghanistan coach mapa toktsütsü

Kabul, Luchii/December 1, 2021 (Agencies): Taoba mapang South Africa all-rounder Lance Klusener-i December 31, 2021 nü pa indang contract temer sülen, Afghanistan team indang head coach mapa nungi anentsü. Klusener, shiba 2019 küm September ita Afghanistan team indang head coach ama mapa nung aniok, pai iba team nung coach meinyaktsü (contract meyanglushitsü) ta ashi.

"Küm ana tashi team den külemi inyaka aruogo. Ni iba team teti bilemtettsü," ta pai ashi.

"Afghanistan cricket team toktsü yongjia tarütsü nung coach inyaktsü maangka dang ngura ni tajungtiba inyaktsü imlar," ta pai ashi.

Andy Moles melena Klusener-i Afghanistan coach

ama inyaktsü asoshi mapa agizüka liasü. 2019 World Cup temer Phil Simmons-i iba team coach ama mapa toktsüba sülen, Andy-i iba mapa agizük.

Alima ajunga asüngbaba COVID-19 ajanga 2020 küm Afghanistan-i cricket masaya yongjia Klusener akhüm nung team-i junga asayaogo. Klusener-i coach inyakba mapang, Afghanistan-i Tests asem nungi ka, ODIs trok nungi asaya asem aser T20Is 14 nungi asaya 9 takok ngua lir.

Head Coach ama Klusener akhüm kübok India nung T20I series mezüng asayadang Afghanistan-i West Indies madak 2-1 agi takok angu. Taküm küm tetenzüklen, parnoki ODIs nung Ireland madak 3-0 agi takok angu aser T20I series nunga 2-1 agi

Ireland tsükdaktsü.

Tawa tembanga T20 World Cup asayamung nung, Afghanistan team-i match pungo nungi asaya ana takok anguba sülen, group stage nung tsükadok.

Lance Klusener ya South Africa cricket team indang all-rounder rongnung tajungtiba ama züngshir. Cricket wadang nung ajemoka 1996 nungi 2004 küm tashi asayaba mapang, Klusener-i Tests asayamung 49 nung run 1906 yanglua lir aser wicket 80 agiogo. Ano ODIs 171 nung Klusener-i run 3576 yangluba den wicket 192 agia lir.

Cricket asaya nungi anener sülen, Klusener-i coaching maparen balala inyaka aru. Iba mapang pai international aser domestic team aser IPL franchise tem nung inyakogo.

IPL 2022 atema team balalai asayartem mechioki yuogo

Luchii/December 1, 2021 (Agencies): 2022 IPL atema asayartem mechioki ayutsü atema mapang agütsüba Mongolbarnü metembang tsüngda team balalai asayar aika sota yuogo. Royal Challengers Bangalore-i India nunger batsman Virat Kohli sota yuogo aser champions Chennai Super Kings-i MS Dhoni dak tamang kaa pa-a mechioki yuogo.

Kohli ya sen million 150 agi alizük ayu aser par team nungisa Mohammed Siraj aser Australia nunger asayar Glenn Maxwell na den tenangzüktepa tasen yangluogo. Iba sülen RCB pur auction nung intoktsü atema sen million 570 dang anungogo. Team shia auction nung sen million 900 intoktsü melar.

Club temi mechioki ayuba asayartem:

Chennai Super Kings (CSK): Ravindra Jadeja (16 crore), MS Dhoni (12 crore), Moeen Ali (8 crore), Ruturaj Gaikwad (6 crore)

Balance purse: Rs 48 crore
Kolkata Knight Riders (KKR): Andre Russell (12 crore; purse nung crore 16 agütsütsü), Varun Chakravarthy (8 crore, purse nungi crore 12 agütsütsü), Venkatesh Iyer (8 crore), Sunil Narine (6 crore)

Balance purse: Rs 48 crore
Sunrisers Hyderabad (SRH): Kane Williamson (14 crore), Abdul Samad (4 crore), Umran Malik (4 crore)

Balance purse: Rs 68 crore
Mumbai Indians (MI): Rohit Sharma (16 crore), Jasprit Bumrah (12 crore), Suryakumar Yadav (8 crore), Kieron Pollard (6 crore)

Balance purse: Rs 48 crore
Royal Challengers Bangalore (RCB): Virat Kohli (15 crore), Glenn Maxwell (11 crore), Mohammed Siraj (7 crore)

Balance purse: Rs. 57 crore
Delhi Capitals (DC): Rishabh Pant (16 crore), Axar Patel (9 crore, purse nungi crore 12 agütsütsü), Prithvi Shaw (7.5 crore, purse nungi crore 8 agütsütsü), Anrich Nortje (6.5 crore)

Balance purse: Rs 47.5 crore
Rajasthan Royals (RR): Sanju Samson (14 crore), Jos Buttler (10 crore), Yashasvi Jaiswal (4 crore)

Balance purse: Rs 62 crore
Punjab Kings (PBKS): Mayank Agarwal (12 crore, purse nungi crore 14 agütsütsü), Arshdeep Singh (4 crore)

Balance purse: Rs 72 crore

ICC Test Rankings: Shreyas Iyer batsmen list-i iogo



nung tang mezüngbuba India tenüng nungi asayaba mapang innings ana nung run 105 aser 65 yanglu, pa batting rankings-ia jenjang 74buba nung lir. Kasa mapang nung opener Shubman Gill (jenjang trok tejaki dangi tua 66) aser Wriddhiman Saha (jenjang teku tejakdangi tua 99) natia mezüngbuba Test nung half-century yangluba sülen tenaprongla tejakdangi tuogo.

Bowler tem rongnung Ravindra Jadeja-i wicket pongu agiba sülen jenjang ana tejakdang tua 19buba tongtetogo aser all-rounder tem rongnung tanabubara jenjangi tuogo. Ashwin ya all-rounder tem rongnung tasembuba aser batsmen tem rongnung 79buba lir.

New Zealand nunger asayar Tom Latham, shibai mezüngbuba Test nung run 95 aser 52 yanglu pa jenjang 14buba nungi 9bubai tuogo.

Maneni Kyle Jamieson-i inning anaprongla nung wicket asemsem agiba sülen pa bowler tem rongnung jenjang 9buba nung lir. Tim Southee-i wicket ti agiba sülen pai point ka agi dang tanabubara jenjang nung aliba Ashwin (840) memenep lir.

Luchii/December 1, 2021 (Agencies): Bodhbarnü sayaba ICC Test Player ranking nung batsmen tem rongnung Rohit Sharma aser Virat Kohli na jenjang tajungtiba nung lir aser bowler tem rongnung off-spinner Ravichandra Ashwin maneni tanabubara nung lir.

Rohit (5th), Kohli (6th) aser Ashwin nunger ajak taoba mapang ama masetshi lir, ajisüaka pacer Jasprit Bumrah jenjang ka asepzüka alua 10buba nung lir.

Ashwin dak alia item asayar asemprongla ya New Zealand den asayaba mezüngbuba Test nung shilem magi. Iba Test ya Hombarnü draw nung tembangogo.

Shreyas Iyer shibai Test

BILEM DANGANG

"Kar dak rangloker o jembira kodanga meshitaker"